

ԳԻՏԱԿԱՆ ԻՆՖՈՐՄԱՑԻԱ НАУЧНАЯ ИНФОРМАЦИЯ

ԴՎԻՆԻ ՀՆԱԴԻՏԱԿԱՆ ԱՐՇԱՎԱԽՄԲԻ ԱՇԽԱՏԱՆՔՆԵՐԸ 1977 թ.

ԴՎԻՆԻ վերջին տարիների պեղումները զգալի նյութեր են բնօրինակ միջնադարյան քաղաքաշինության և տնտեսության բազմակողմանի ուսումնասիրության համար: Հատուկ ուշադրություն է հատկացվում քաղաքի բնակչության սոցիալական տարրեր շերտերի կյանքի ու կենցաղի առանձին հարցերի վերհանմանը: 1977 թ. պեղումները հիմնականում հետապնդում էին առաջադրված այս խնդիրների լուծումը և լրացնում ու հաստատում են նախորդ տարիների արդյունքների կարևոր հետևությունները:

Պեղման աշխատանքները կենտրոնացվել են քաղաքի երեք կետերում. 1. միջնաբերդի արևմտյան լանջին, ուր նախորդ տարիներից բացվում է արհեստավորական մի թաղամաս, 2. միջնաբերդի հարավային պարսպի մեծ աշտարակներից մեկի ներսում, աշտարակի և բնակելի տների փոխհարաբերությունը պարզելու նպատակով, 3. քաղաքի կենտրոնական թաղամասում՝ V դարի կաթողիկոսական պալատի արևելյան և հարավային թևերում: Հետախույզական պեղումներ են կատարվել քաղաքի հարավային թաղամասերից մեկում:

ԴՎԻՆԻ գոյության վերջին երկու հարյուրամյակներում քաղաքի միջնաբերդի ստորին հատվածները, անմիջապես պարիսպների հարևանությամբ, խիտ կառուցապատված են եղել: Դրա փայլուն վկայությունը կարելի է համարել պեղումների ժամանակ բացված բնակելի և տնտեսական շինությունները, արտադրական համալիրները, որոնք բաղաձայն վերակառուցումների հետքեր են կրում:

Շերտավորական մանրազնի գիտարկումները, զտնված մեծաքանակ դրամները և նյութական մշակույթի մնացորդները տալիս են բացվող շինությունների ճշգրիտ ժամանակագրական պատկերը, այն է՝ XII դարի 50-ական թթ. մինչև XIII դարի 20-ական թթ.: Այդ նույն ժամանակահատվածով են թվագրվում 1975—1976 թթ. բացված արհեստավորի տունը, խե-

ցեղենի թրծման արհեստանոցը և այլ շինություններ¹:

1977 թ. պեղումները շարունակվում էին յուրանցից արևմուտք՝—Ե—23, 24 և—Բ—23, 24 հատվածներում, մոտ 100 քառ. մ. տարածությամբ (նկ. 1): Պեղվող ողջ հատվածում կանոնավոր շինության ոչ մի հետք չի պահպանվել, սակայն նկատելի են փուլ եկած աղյուսե պատերի մնացորդներ և հատակների բեկորներ: Տեղում փաստադրված է կրկնակի օգտագործված վաղ միջնադարյան մի խարխուլ: Այս պատկերը հետևանք է քաղաքի վերջին ավերածության, որը կատարվել է մոնղոլների կողմից: Պեղավայրում բացված աղյուսաշար փոքրիկ միատիպ օջախները, երկաթե իրերի և խարամի մնացորդները, մոխրի և ածուխի մեծ կուտակումները ենթադրել են տալիս, որ այստեղ գոյություն է ունեցել երկաթի մշակման հետ կապված արտադրություն, հավանաբար դարբնոց, բազմատեսակ արտադրությամբ: Օջախներից մեկին կից բացվեց երկարավուն մի փոսորակ (1,2×0,5×0,5 մ), որի միջից գտնվեցին 14 պղնձե դրամ, վերադիր դիմակներով հախճապակե բազմանիստ անոթ, ներսից կանաչ ջնարակով պատած լայն խողովակով փոքր սափոր և այլ նյութեր: Նման փոսորակների առկայությունը՝ արտադրական օջախներին և վառարաններին կից, փաստադրված է նաև նախորդ տարիների պեղումների ժամանակ՝ արհեստավորի տան հյուսիսային պատի տակ և կավանոթների թրծման վառարանի անմիջական հարևանությամբ: Այդ փոսորակների ֆունկցիոնալ նշանակությունը մեզ մնում է անհայտ, թեպետ առաջին դեպքում դրա միջից գտնվել են՝ վրացական և ելտկուդյան 44 պղնձե դրամներից բաղկացած գանձ, հախճապակե բազմանիստ անոթ, բաղաձայն խեցեղեն և եր-

¹ Տե՛ս ՀՍՍՀ ԳԱ «Լրաբեր» (հաս. գիտ.), 1978, № 2:



Նկ. 1.

կաթն իրեր: 1976 թ. բացված հնոցին կից փոսորակը լցված էր կավագնդերով:

Բերդապարիսպների և բաղաբի պաշտպանական պարսպատների մոտ արտադրական հասարակների առկայությունը հորույթ չէ միջնադարյան բաղաբաշինության մեջ: Նման պատկերներ իր ցայտուն դրսևորումն է գտնում անդրրկովկասյան, միջինասիական և մերձավորարևելյան հուշարձաններում:

Հավանաբար դա տնտեսական և կոմունալ տնտեսակետից որոշակի առավելություն ուներ, կապվելով, առաջին հերթին, ջրամատակարարման և ջրահեռացման հետ: Գլխի միջնաբերդի համար այդ հարցերը ավելի դյուրին էին լուծվում, քանի որ պարիսպների տակով անցնում էր ջրով մշտապես լցված խոր և լայն խրամատ: Նույն պատկերը, բիշ այլ պայմաններում, դիտվել է նաև բաղաբի արևմտյան արհեստավորական թաղամասում:

2 Н. В. Минкевич - Мустафеева, Раскопки гончарных печей на городище Орен-Кала, МИА, № 67, 1959; А. Ю. Якубовский, Крадкий полевой отчет о работах Зерафшанской археологической экспедиции Эрмитажа в 1939 г., «Труды отдела Востока Эрмитажа», II, Л., 1940 и др.

3 А. А. Калантарян, К вопросу о способах изготовления керамики в Средневековой Армении, «Археологические памятники феодальной Грузии», II, Тбилиси, 1974.


Ստորին բերդում գտնված իրերի մեջ իր գեղարվեստական արժանիքներով առանձնանում է դիմակներով անոթը (նկ. 2): Այն ունի ու



Նկ. 2

նիստ, որոնք պատած են երեք շարք վերադիր վարդյակներով, մարդկանց և կենդանիների դիմակներով: Չնայած պատրաստման մեջ տեղ դրած որոշ տեխնիկական թերություններին, անոթն իր բարձրարժեքի հարթաքանդակով խոսում է պատրաստող վարպետի ճաշակի և բարձր որակավորման մասին:

Այն կարմիր տուֆից է, ունի կրկնակի քառակուսի բուն, որի անկյուններում արված են եղենաձև փորվածքներով եռանկյունի ելուստներ, հատուկ IV—V դդ. խարխուլների հարդարանքին: Վերնասայր արտահայտված է շատ թույլ, տրամագիծը մեծ չէ, որը մտածել է տալիս փայտն սյան մասին. հարիսխը զարդարել



կ. 3

Դիմակներով հախճապակե անոթների արտադրությունը միջնադարյան Հայաստանում լայն տարածում էր ստացել: Անառարկելի է, որ դրանց արտադրության հիմնական կենտրոններն էին Դվինն ու Անին: Որոշ նյութեր հայտնի են նաև Վրաստանում և Աղբյուրջանում, որոնք կարող էին, սակայն, ներմուծված լինել հայկական արտադրական կենտրոնից: Անոթների հարդարման նման տեխնիկան սկզբնավորվում է XIII դարի կեսերից: Վերոհիշյալ անոթն անշուշտ պատրաստված է Դվինում, նրան հատուկ է տեղական կապույտ ջնարակը, այն խեցեգործ արհեստավորի ու պատվիրատուի անհատական մոտեցման արդյունք է:

Պեղավայրից գտնված ջնարակած խեցեղենը բնորոշ է իր ժամանակաշրջանի համար: Դրանք հիմնականում երկրաչափական և բուսական փորագիր զարդերով, կանաչ ջնարակով պատած անոթների բեկորներ են, որոնք արտադրվել են մասսայական սպառման համար և բավարարել են շուկայական հարաճուն պահանջները:

Իր տեսակի մեջ եզակի է բացված խարխուլը:

է թաղաթի վաղ միջնադարյան ինչ որ կառույց և հետագայում բերվել է այստեղ:

Հետաքրքիր պատկեր է բացվում միջնաբերդի հարավային մասում, աշտարակի ներսի տարածությունը պեղելու ժամանակ: Դվինի միջնաբերդի հզոր աշտարակների ներքին ստրուկտուրայի հարցերը մինչև այժմ որոշված չեն: Պարիսպների և շինությունների փոխարարներության հարցերը, որը շատ կարևոր է պաշտպանական տեսակետից, ներկայումս արչավախմբի կարևոր նպատակներից մեկն են: Սակայն այս տեղամասում առայժմ բացվում են թաղաթի ամենավերին շերտերը, որոնք դրամների և շինարարական մնացորդների օգնությամբ հստակորեն թվագրվում են XIII դարի սկզբով: Պեղվող հատվածում ակնհայտ երևում են բնակելի և տնտեսական շինությունների առանձին մասեր, որոնց հատակագծերը դեռևս պարզ չեն, խիստ խճողված են պատերի քաղմաթիվ վերանորոգումների և կցոնների հետևանքով (նկ. 3): Եթե հարտարապետական մնացորդներն առայժմ չեն պատասխանում առաջադրված խնդիրներին,




Աղյուսակ 1

ապա նյութական մշակույթի մնացորդները շատ կարևոր են XIII դարի արտադրության որոշ կողմերի պարզաբանման առումով: Հետաքրքիր նյութեր են նախնարեբիլ XIII դարում ջնարակած խեցեղենի արտադրության վերաբերյալ: Մեծ թիվ են կազմում անպորապատ թասերը, որոնք պատված են թափանցիկ ջնարակով: Անոթների հստակ դարձերը փորագիր են և

կրում են կանաչ ու դարչնագույն ջնարակ (աղ. 1, 1): Ջնարակած անոթների այս խումբը քիչ է հանդիպում Դվինի տարածքում: Նրա արտադրությունը հատուկ է եղել քաղաքի գոյության վերջին շրջանին և դադարել է քաղաքի կործանման հետ միասին: Անիում նման ջնարակած թասերը զգալի թիվ են կազմում այն պատճառով, որ այստեղ կյանքը շարուն-

Բեկորներից մեկի վրա նկատելի են հունական այբուրենի առանձին տառերի ստեղծերը (նկ. 4):

Հարավային սրահը կրում է վերանորոգումների հետքեր: Պարզորոշ նկատելի են երկու հատակներ, որոնց միջև լցված են վաղ շրջանի կղմինդրների բեկորներ: Պալատի հարավա-



նկ. 4

յին սենյակներից մեկի պեղումների ժամանակ գտնվեց VI դարի ապակե երկու անոթ՝ մեկը գնդաձև իրանով սրվակ (աղ. I, 4), մյուսը՝ քիչ ղեղնավուն հաստ ապակուց բաժակ: Կարծիք կա այն մասին, որ գնդաձև սրվակների նման տիպերը լցվել են նավթով և օգտագործվել են հրդեհի առաջացնելու նպատակով: Պեղվող պալատում, մոխրի հաստ շերտի տակ արդեն երկրորդ անգամ են նման գնդաձև ապակե ռուսմբերի բեկորներ հայտնաբերվում:

Ի տարբերություն վաղ միջնադարյան նույնատիպ պալատների, Դվինի V դարի կառույցի կենտրոնական սյունաղարդ զահիճը չորս կողմից շրջապատված է եղել սենյակներով: Դա մի փառահեղ շինություն է, որը եկեղեցու հետ միասին իշխել է քաղաքի այդ հատվածում: Անհավանական չպետք է համարել, որ հենց այս կաթողիկոսարանում էլ տեղի են ունեցել Դվինի 506 և 554 թթ. եկեղեցական ժողովները: Այս պալատի հետագա պեղումները մեծ կարևորություն են ներկայացնում հայկական վաղ միջնադարյան աշխարհիկ ճարտարապետության ուսումնասիրության համար:

Ավերված պալատական շինության վայրում VIII—IX դդ. կառուցվել են հում աղյուսից

տներ, որոնք ոչնչացել են 893 թ. երկրաշարժի ժամանակ: Շերտապրական տեսակետից այս պատկերը դուրամորեն է, քանի որ ժամանակագրական տեսակետից ներքին և վերին սահմանները խիստ ընդգծված են: Դա շատ կարևոր է նյութական մշակույթի մնացորդների ինքնագրության առումով: Դվինի IX դարի մշակույթը կենտրոնական թաղամասում ներկայացված է բացառիկ հարուստ նյութերով, որոնք լավ ուսումնասիրված են: Այդ նյութերի մեջ մեծ թիվ են կազմում ջնարակած անոթները, մերձավորարևելյան կենտրոններից ներմուծված շոգյուն խեցեղենը, ապակին և այլն: 1977 թ. այտնարկված նյութերի մեջ մեծ արժեք է ներկայացնում ապակե իրերի ժողովածուն: Ապակու՝ արտադրությունը վաղ միջնադարյան Դվինում անառարկելի է: IX դարում այն հասնում է բարձր մակարդակի և իր որակով ու բազմազանությամբ ետ չի մնում Մերձավոր ու Միջին Արևելքի ապակեգործական կենտրոններից: Դա փաստագրված է Դվինի բազմամյա պեղումներով⁸:

Կենտրոնական թաղամասից գտնված ապակին բազմաժանր է: Այստեղ հանդիպում են թեթևակուսկներով թասիկ-լամպարներ (աղ. I, 3), որոնք զրվել են Մայր տաճարի հիսսբանի ջահերի վրա, կան գունագեղ, բարակապատ հիանալի բաժակ-գավաթներ, որոնք պատրաստված են ազատ փման տեխնիկայով և լրացուցիչ սչակման են ենթարկվել, բավականին նուրբ են պատրաստված սլացիկ սրվակները (աղ. II, 1, 4):

IX դարի Հայաստանի ապակու արտադրանքի համար բնորոշ են հաստ պատերով և փորագիր զարդերով մեծ բաժակները (աղ. I, 6, աղ. II, 5, 9): Դվինում դրանք հանդիպում են զանգվածաբար: 1977 թ. նյութերում առանձնանում են երեք բաժակ, որոնք իրենց զարդերով զեղարվեստական մեծ արժեք են ներկայացնում: Բաժակներից մեկն ունի թռչնակերպ զարդեր (աղ. II, 10). թռչունների կտուցների մոտ կան երեք տաշված օղակներ: Երկու համանման զարդերը, որոնք բոնում են բաժակի ողջ մակերեսը, բաժանված են միմյանցից պսակաձև զարդերով: Մյուս բաժակի դարդը, որը

7 К. А. Костанян, А. А. Калантарян, Следы стекольного производства в раннесредневековом Двинне, «Պատմա-բանասիրական հանդես», 1977, № 4:

8 Р. М. Джанполадян, Средневековое стекло Двина IX—XIII вв., Ереван, 1974.

նույնպես կրկնվում է երկու անգամ բաժակի ողջ մակերեսին, բարդ երկրաչափական է և ավարտվում է տարրեր կողմերի վրա թևաված կտուցաձև հատվածներով (աղ. II, 3)։ Նրա կենտրոնական առանցքը կազմում են երկու սլաքներ։ Այստեղ ևս ողջ պատկերը հարստացված է կլոր օղակներով, որոնք զրված են երկու դարդերի սահմանագծում։ Նրբորդ բաժակի նախշերը նմանվում են ծառի ճյուղի և միմյանցից բաժանված են շեղանկյուն դարդով (աղ. II, 6)։ Այդ զույգ դարդերն էլ կանաչ ֆոնի վրա են։ Պետք է ասել, որ նման հարդարումով բաժակ Դվինում հանդիպում է արդեն երկրորդ անգամ։ Նույնպիսի մի բաժակ հայտնի է 1975 թ., դարձյալ թվագրվում է IX դարով, սակայն իր անաղարտության և ասյակու վճիտության տարրերով է վերջինից⁹։ Ըստ երևույթին այդ բաժակը ներմուծված է մերձավորարևելյան որևէ կենտրոնից։ Իացառված չեն նման տեխնիկայով պատրաստված անոթների որոշ ընդօրինակությունները Դվինի ապակեգործարհետավորների կողմից։ Հաստապատ բաժակներից մեկի վրա, որը թերի է, պահպանվել է հորիզոնական դրբով զրված արաբատառ արձանագրության հատված (աղ. I, 5)։ Քննարկված այս բաժակները և նրանց վրա հանդիպող զարդերը բոլորն էլ փշված են զարդարուն կաղապարներում և հետագա մշակման են ենթարկվել։ Հնարավոր է, որ բաժակների մի մասի զարդերն արվել են տաշելու եղանակով։ Շատ հետաքրքիր է բարակապատ գավաթներից մեկը։ Այն փշված է զարդարուն կաղապարի մեջ, շատակի կենտրոնում հավերժություն պատկերող նշան է, որը շրջապատված է տերևաձև նախշերով (աղ. II, 8)։

Իվինի IX դարի ապակու ժողովածուում բացառիկ տեղ են զբաղում գունազարդ ապակիները։ Այդ նույն տեղամասից դեռ նախորդ տարիներից հայտնի են մուգ դարչնագույնով արված արաբատառ արձանագրությամբ բարակապատ բաժակներ։ 1977 թ. գտնվել է կապույտ գույնի մի փոքրիկ սրվակ քիչ ուղիղ պատերով և փոքր, կարճ բերանով։ Սրվակի իրանի վերին մասում, կապույտ ֆոնի վրա մուգ դարչնագույնով պատկերված է արծիվ, որն իր մագիլներում կրում է զոհին (աղ. II, 7)։ Շատ ցայտուն են արված արծվի գլուխը և թևերը։ Սրվակի թերի լինելը թույլ չի տալիս գաղափար կազմել ամբողջական կոմպոզիցիայի մասին։ Կարևոր է նշել, որ նման սյուժեն շատ է

հանդիպում արևելյան արվեստում և իր լայն տարածումն է ստանում մասնավորապես Սասանյանների օրոք։ Այդ թեման հանդիպում է կնիքների, բարձրաքանդակների և կիրառական արվեստի այլ ստեղծագործությունների վրա։ Հայկական իրականության համար մագիլների մեջ զոհին կրող արծվի պատկերը խորթ չէ և հանդիպում է նաև XII—XIII դդ. բարձրաքանդակներում։ Սրվակի վերին մասերը պատած են նույն դարչնագույնով զրված արաբերեն արձանագրությամբ, որոնք մասնագետներին կողմից ընթերցման պրոցեսում են։ Նման պատկերազարդ անոթների սակավությունը ցույց է տալիս, որ դրանք, ամենայն հավանականությամբ, բերված են դրսից և մերձավորարևելյան որևէ ապակեգործական արհեստանոցի արգասիք են։

Դվինի արչավախմբի 1977 թ. կարևոր գյուտերից չենք դրամների մեծ զանձի հայտնաբերումն է քաղաքի կենտրոնական թաղից մոտ 100 մ դեպի հարավ։ Այդ գտնված մեջ մտնում են ոչ սասանյան և վաղ արաբական արծաթե դրամներ կտրտված վիճակում։ Գտնվել է կոլտնտեսության դաշտերում, գյուղատնտեսական աշխատանքների ժամանակ։ Այդ վախում կատարված պեղումները շերտագրական առումով ոչ մի շոշափելի արդյունք չտվեցին։ Երկարամյա աշխատանքները և հողերի հարթեցումներն այդ հատվածում զգալի վնաս են հասցրել կառույցներին։ Այսուհանդերձ որոշակի է, որ այդ գտնված պահպանվել է կավաթի մեջ, կոտրվելու հետևանքով սփռվել է մոտ 100 քառ. մետր տարածության վրա։ Նման գտնված քիչ են հայտնի մասնագետներին։ Պետք է ասել, որ Հայաստանում դրանք հանդիպել են Մարտունու շրջանի ներքին Գետաշեն գյուղում, որը միջնադարյան Կոթ ավանի տեղում է կառուցված և շրջկենտրոնում¹⁰։ Կտրտված դրամների կիրառական նշանակությունը դժվար է որոշել։

Դվինի 1977 թ. պեղումների արդյունքները և գտնված նյութերը շատ կարևոր են միջնադարյան Հայաստանի նյութական արտադրության, սոցիալական հարաբերությունների որոշ հարցերի պարզաբանման համար։

Ա. Ա. ՔԱՂԱՆՔԱՐՅԱՆ

⁹ Р. М. Жанполадян, А. А. Калатарян, Стекланные сосуды из раскопок Двина, АО 1975 г., М., 1976, № 503.

¹⁰ Ժ. Գ. Խաչատրյան, Ա. Ա. Քաչալանթարյան, Մարտունու և Վարդենիսի շրջանների անտիկ և միջնադարյան հուշարձանները, ՀՍՍՀ ԳԱ «Լրագրեր» (հաս. գիտ.), 1972, № 1, էջ 66։